

ՀԱՅ ԳՐՈՂՆԵՐԻ ՓՈԽԱԴԱՐՁ ՕԳՆՈՒ-  
ԹԵԱՆ ԸՆԿԵՐՈՒԹԻՒՆ

—  
Հայ տպագրութեան 400-ամեակի համար Թիֆլիզում ընտրւած Յանձնաժողովը, ի նկատի ունենալով ընդհանուր ժողովում արտայայտւած ցանկութիւնը, իր առաջին գործերից մէկը դարձրեց հայ գրական գործիչներին օգնող մի ընկերութիւնը հաստատելը:

Յանձնաժողովը մշակեց մի կանոնադրութիւն, որով Թիֆլիզում հաստատուում է հայ գրողների փոխադարձ օգնութեան ընկերութիւն և այդ կանոնադրութիւնը մի խումբ հայ գրողների ստորագրութեամբ ներկայացրեց օրինական կարգով Թիֆլիզի նահանգական ատեանին:

Այժմ հաստատ աղբիւրից մենք տեղեկանում ենք որ նահանգական ատեանը արդէն հաստատել է այդ կանոնադրութիւնը:

Շուտով կը հրաւիրւի նոր ընկերութեան անդամների ընդհանուր ժողով՝ վարչական մարմին ընտրելու և ընկերութեան գործունէութիւնն սկսելու համար: